

HIRUTASUN GUZTIZ SANTUAREN FESTABURUA - B

SARRERAKO OHARKIZUNA

Senideok: Aita, Semea eta bien arteko maitasuna dan Espiritu Santuaren jai handia ospatzen dogu gaur: **Trinidade** edo **Hirutasun guztiz Santuaren Domekea**.

Jaungoikoa ez da bakartia. Alkartea da eta alkartasuna maite dau.

Gure elizetan, gaur, otoitzari eta lanari emonda bizi diran *lekaide eta lekaimeen aldeko eguna* ere ospatzen da. Monastegiak kristau alkarteei laguntza, arnasa eta itxaropena emoten deutesen otoitz-alkarteak dira.

Fede-alkarte hau osotzen dogunok, Meza Santu honetan, hurreratu gaitezak apurtxo bat gehiago Jaungoikoaren misteriora, eta ospatu daigun Beragan bizi dauan eta guri agertu deuskun maitasuna.

"Zein gozo ta eder dan..."

DAMU-OTOITZA

Senideok: emon deiogun hasierea gure elizkizun honi, isilunetxo bat eginez eta geure pekatua autortuz:

—Jesus Jauna, zure maitasunaz mundua salbatzen dozuna. ERRUKI, JAUNA.

—Jesus Jauna, Jaungoikoaren ezkutuko bizitzea agertu deuskuzuna. KRISTO, ERRUKI.

—Jesus Jauna, Jaungoiko bihozbera eta errukitsua zarana. ERRUKI, JAUNA.

HITZAREN LITURGIA

Dt 4, 32-34. 39-40

Gaurko lehenengo irakurgaiak gogoratuko jaku guk sinisten dogun Jaungoikoa bakarra dala, gugandik hur dagoan eta gugaz arduratzen dan Jaungoikoa dogula.

Erantzun-Salmoa:

Udaia '98 HIRUTASUN DEUNA /B Sal 32

Bai do-ha-tsu Jau-nak be-re oi-nor-de hau-ta-tu da-uan her-ri-a

Erm 8, 14-17:

Israel herriak Jaungoikoa beragandik hur sentidu baeban, guk oraindik hurrago daukagu, Jesukristori esker. Hauxe da bigarren irakurgaiak iragarriko deuskun mezu pozgarria.

Mt 28, 16-20:

Gaurko Ebanjelioan, Jesusek apostoluak misino-lanera bialduko dauz: bere barri ona zabaltzera eta Aitaren, Semearen eta Espiritu Santuaren izenean bateatzera.

Prestau gaitezak Haren berbak entzuteko, zutunik *"Aleluia"* abestuz.

JAINKO HERRIAREN OTOITZA

† Maitasunaren Aita dan Jaungoikoari aurkeztu deioguzan fedez eta uste osoz geure eskariak:

-Eliza osoaren alde, Aita Santuaren alde, gure Gotzainen alde eta munduko Gotzain guztien alde: alkartasun-egile izan daitezala beti. ESKATU DEIOGUN JAUNARI.

-Jaungoikoak hainbeste maite dauan gizadiaren alde: bakearen eta maitasunaren bidetik aurrera joan daitela beti. ESKATU DEIOGUN JAUNARI.

-Hainbat lekaide eta lekaimek, komentu barruko isiltasunean, gure alde otoitz egiten dabe; gaur, esker onez, euren alde otoitz egingo dogu: Oso-osoan Jaungoikoari emonda bizi izan daitezala eta bokazino barriak lortu dagiezala. ESKATU DEIOGUN JAUNARI.

-Geure alde eta gure otoitzean gogoan doguzan guztien alde: Irutasun Deunaren antzera, beti alkar maitatzen bizi izan gaitezala. ESKATU DEIOGUN JAUNARI.

† Entzun, Aita, gure otoitza eta isuri zure maitasuna mundu guztiaren gainera. Jesukristo gure Jaunaren bitartez. Amen.

Jaunartzerako abestia

Zugaz bizi nahi dot, Jesus ona,
zuk berotu daizun nire bihotza.
Ilun nago beti zugaz izan ezik:
ez dot gura beste maitetasunik.

Nire bihotzera heldu zaitez,
biok alkarrekin bizi gaitezen;
beti naizu beti zure gorputzakin,
atsegindu naizu zure_odolakin.

OHARRAK

- 1 Datorren domekea, hilaren bigarrena: eskebatzea obren alderakoa.
- 2 Datorren hilean meza-ordu aldakuntzea: zapatuan, 7retan elebitaz; domekan 12etan, euskeraz.